



ԼԴ/0099/01/24
(ՀԿԴ/0008/01/23)

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎՃՌԱԲԵԿ ԴԱՏԱՐԱՆ
Ո Ր Ո Շ ՈՒ Մ
ԸՆԴՀԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

2 ապրիլի 2024 թվական

ք.Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահ Համլետ Ասատրյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ ԼԴ/0099/01/24 (ՀԿԴ/0008/01/23) քրեական վարույթի ընդդատության հարցը լուծելու համար ՀՀ Վճռաբեկ դատարանի նախագահին ուղարկելու մասին Լոռու մարզի առաջին ատյանի ընդհանուր իրավասության դատարանի՝ 2024 թվականի մարտի 14-ի որոշումը,

Պ Ա Ր Զ Ե Ց Ի Ն Ք

Վարույթի դատավարական նախապատմությունը.

1. 2023 թվականի մարտի 16-ին Հակակոռուպցիոն դատարանում ստացվել է Սարգիս Սերժիկի Վահրադյանի և Վահրամ Ղազարի Խաչատրյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգրք) 309-րդ հոդվածի 2-րդ մասով թիվ 69105323 (ՀԿԴ/0008/01/23) քրեական վարույթը:

1.1. Հակակոռուպցիոն դատարանը 2023 թվականի մարտի 20-ին որոշում է կայացրել թիվ ՀԿԴ1/0008/01/23 քրեական վարույթը ստանձնելու և 2023 թվականի մարտի 29-ին նախնական դատալսումներ նշանակելու մասին:

1.2. Հակակոռուպցիոն դատարանը 2023 թվականի հունիսի 8-ին որոշում է կայացրել թիվ ՀԿԴ1/0008/01/23 քրեական վարույթով 2023 թվականի հունիսի 21-ին հիմնական դատալսումներ նշանակելու մասին:

2. Հակակոռուպցիոն դատարանը 2024 թվականի փետրվարի 21-ին, հիմնական դատալսումների ընթացքում, որոշում է կայացրել թիվ ՀԿԴ1/0008/01/23 քրեական վարույթն ըստ առարկայական ընդդատության Լոռու մարզի առաջին ատյանի ընդհանուր իրավասության դատարան փոխանցելու մասին:

3. Լոռու մարզի առաջին ատյանի ընդհանուր իրավասության դատարանը 2024 թվականի մարտի 14-ին որոշում է կայացրել թիվ ՀԿԴ1/0008/01/23 (ԼԴ/0099/01/24) քրեական վարույթը Վճռաբեկ դատարանի նախագահին ուղարկելու մասին՝ ընդդատության հարցը լուծելու համար:

4. Քրեական վարույթը Վճռաբեկ դատարանում ստացվել է 2024 թվականի մարտի 25-ին:

Ընդդատության հարցը լուծելու համար էական նշանակություն ունեցող փաստական հանգամանքները.

5. 2023 թվականի հունվարի 12-ի որոշմամբ Վահրամ Ղազարի Խաչատրյանի նկատմամբ ՀՀ քրեական օրենսգրքի 309-րդ հոդվածի 2-րդ մասով հանրային քրեական հետապնդում է հարուցվել հանրորեն վտանգավոր այն արարքի կատարման համար, որ «նա 2021 թվականի հուլիսի 1-ից մինչ օրս զբաղեցնելով ՀՀ ոստիկանության Լոռու մարզային վարչության Սրբեհանսավանի բաժնի (այսուհետք բաժին) պերի օպերատիվ գծով տեղակալի պաշտոնը, այսինքն՝ հանդիսանալով պերական մարմնում՝ ՀՀ ոստիկանությունում, մշտապես կազմակերպական-տնօրինչական գործառնություններ իրականացնող պաշտոնատար անձ, բռնություն գործադրելով անցել է իր պաշտոնական լիազորությունները, այն է՝ դիտավորությամբ կատարել է այնպիսի գործողություններ, որոնք ակնհայտորեն դուրս են եկել նրա լիազորությունների շրջանակից և էական վնաս են պատճառել

Վրեժ Մկրտումյանի իրավունքներին ու օրինական շահերին, պետության օրինական շահերին:

Այսպես.

2021 թվականի հոկտեմբերի 29-ին՝ ժամը 01:30-ի սահմաններում, ինքնությունները չպարզված մի խումբ անձանց կողմից Լոռու մարզի Տաշիր քաղաքում ավազակություն կադրելու դեպքը բացահայտելու և հանցանք կատարած անձանց հայրնաբերելու նպատակով ՀՀ ոստիկանության Լոռու մարզային վարչության և ենթակա փարածքային ստորաբաժանումների ծառայողներն անցել են ուժեղացված ծառայության: Նույն օրը Լոռու մարզի Գյուլագարակ գյուղի բնակիչ Վրեժ Մկրտումյանն իր ընկերոջ Դավիթ Սավթայանի հետ «Զվարթնոց» օդանավակայանում Ոսկրահնայի հանրապետությունից ժամանած վերջինիս ազգական Արայիկ Կիրակոսյանին դիմավորելուց հետո Դավիթ Սավթայանի վարած «Հոնդա Էդիքս» մակնիշի ավտոմեքենայով Լոռու մարզի Սրեփանավան-Տաշիր ավտոճանապարհով ուղևորվել են դեպի Լոռու մարզի Տաշիր քաղաք: Նշված ավտոճանապարհին «Նիսան» մակնիշի «045 II 10» հաշվառման համարանիշի ծառայողական ավտոմեքենայով ուժեղացված ծառայություն են իրականացրել բաժնի պետ Սուրեն Բագրատունյանը, բաժնի պետի օպերատիվ գծով տեղակալ Վահրամ Խաչատրյանը և բաժնի պետի անձնակազմի գծով տեղակալ Սարգիս Վահրադյանը: Վերջիններս «Ոստիկանության մասին» ՀՀ օրենքի (այսուհետք՝ Օրենք) 11-րդ հոդվածի 1-ին մասի 2-րդ կետով նախատեսված հանցագործությունները հայրնաբերելու և բացահայտելու նպատակով օրենքով նախատեսված միջոցներ ձեռնարկելու կապակցությամբ իրենց պարտականությունները կատարելիս՝ ժամը 04:40-ի սահմաններում, նկատել են Դավիթ Սավթայանի վարած ավտոմեքենան, կանգնեցրել են այն՝ ավտոմեքենայում գրնվող անձանց ինքնությունները, ինչպես նաև վերջիններիս առնչությունը տեղի ունեցած ավազակությանը պարզելու նպատակով՝ իրացնելով Օրենքի 19-րդ հոդվածի 2-րդ մասի 1-ին կետով նախատեսված՝ հանցագործություն կատարելու անմիջականորեն ծագած հիմնավոր կասկածի առկայության դեպքում քաղաքացիների ինքնությունները հավաստող փաստաթղթերն ստուգելու իրավունքը: Ներկայանալուց հետո բաժնի պետ Սուրեն Բագրատունյանը, նրա

փեղակալներ Վահրամ Խաչատրյանը և Սարգիս Վահրադյանը Դավիթ Սավթալյանից և ավտոմեքենայում գտնվող Վրեժ Մկրտումյանից, Արայիկ Կիրակոսյանից պահանջել են դուրս գալ ավտոմեքենայից: Սուրեն Բագրատունյանն իրեն հարկացված հաշվեցուցակային զենքը՝ «Մակարով» փեսակի «AR 4210» համարի արձանակը ձեռքին բռնած մտրեցել է Դավիթ Սավթալյանին, իսկ վերջինիս փեղակալներ Վահրամ Խաչատրյանը և Սարգիս Վահրադյանը մտրեցել են Վրեժ Մկրտումյանին: Վահրամ Խաչատրյանը, մարնացույց անելով ավտոմեքենայի մեջ գտնվող օդորակիչը, Վրեժ Մկրտումյանին հարցրել է, թե դա ինչ է: Վրեժ Մկրտումյանը Վահրամ Խաչատրյանին հարցրել է, թե ինչ նկարի ունի, այնուհետև գլխի ընկնելով՝ անմիջապես պարասիսանել է՝ «կոնդիցիոներ»: Հնչեցված հարցը զայրացրել է Վահրամ Խաչատրյանին, որից հետո վերջինս, անարեսելով Օրենքի 5-րդ հոդվածի 2-րդ մասով նախատեսված պահանջներն առ այն, որ նստիկանության գործողությունները չպետք է խախտեն մարդու կյանքի, ֆիզիկական ու հոգեկան անձեռնամխելիության իրավունքը, արժանապարտությունը, պարիվն ու բարի համբավը, Վրեժ Մկրտումյանին ասել է, որ հարցին հարցով չպարասիսանի և մեկ անգամ բռունցքով հարվածել է նրա գլխին:

Այլ կերպ ասած՝ Վահրամ Խաչատրյանը, խախտելով Օրենքի 29-30-րդ հոդվածներով նախատեսված պահանջներն առ այն, որ ֆիզիկական ուժը՝ որպես բացառիկ միջոց, կարող է գործադրվել միայն իրավախախտումները կանխելու կամ խափանելու, իրավախախտներին բռնելու և նստիկանության ներկայացնելու, նստիկանության ծառայողի օրինական պահանջներին չենթարկվելու կամ դիմադրություն ցույց տալու դեպքերում, ինչպես նաև ինքնապաշտպանության նպատակով, այն էլ այնքանով, որքանով դա անհրաժեշտ է իր պարտականությունները կատարելու համար, եթե այլ միջոցներով այդ պարտականություններին կատարումը հնարավոր չէ ապահովել, Օրենքի 3-րդ հոդվածով ամրագրված կամայականության արգելքի սկզբունքի խախտմամբ՝ դիտավորյալ անհիմն և ապօրինի ֆիզիկական ուժ՝ բռնություն է գործադրել Վրեժ Մկրտումյանի նկատմամբ՝ ակնհայտորեն դուրս գալով իր լիազորությունների շրջանակից: Դրանից հետո Վահրամ Խաչատրյանը Վրեժ Մկրտումյանից պահանջել է ձեռքերը վերև բարձրացրած պահել, որի ժամանակ կրկին բռնություն է

գործադրել Վրեժ Մկրտումյանի նկարմամբ՝ ձեռքով հարվածելով վերջինիս գլխի ձախակողմյան հարվածին և քաշքշելով նրան:

Բաժնի պետի օպերատիվ գծով տեղակալ Վահրամ Խաչատրյանի կողմից վերը նկարագրված՝ բռնության գործադրմամբ իր լիազորությունների շրջանակից ակնհայտորեն դուրս եկող դիտավորյալ գործողությունների կատարման արդյունքում Վրեժ Մկրտումյանի իրավունքներին ու օրինական շահերին, պետության օրինական շահերին պատճառվել է էական վնաս՝ ուրասհարվել է Վրեժ Մկրտումյանի ֆիզիկական անձեռնմխելիության իրավունքը, պարիվն ու արժանապատվությունը, հեղինակագրվել է պետական կառավարման համակարգի մարմին հանդիսացող ՀՀ ոստիկանությունը՝ հանգեցնելով Օրենքով նախատեսված՝ ոստիկանության ինդիքների և գործունեության սկզբունքների խախտմանը, պետական ապարատի կոնկրետ օղակի գործունեության անվանարկմանը (...):¹:

5.1. 2023 թվականի հունվարի 26-ի որոշմամբ Սարգիս Սերժիկի Վահրադյանի նկատմամբ ՀՀ քրեական օրենսգրքի 309-րդ հոդվածի 2-րդ մասով հանրային քրեական հետապնդում է հարուցվել հանրորեն վտանգավոր այն արարքի կատարման համար, որ «նա 2021 թվականի փետրվարի 03-ից մինչ օրս զբաղեցնելով ՀՀ ոստիկանության Լոռու մարզային վարչության Սրեփանավանի բաժնի (այսուհետք բաժին) պետի անձնակազմի գծով տեղակալի պաշտոնը, այսինքն՝ հանդիսանալով պետական մարմնում՝ ՀՀ ոստիկանությունում, մշտապես կազմակերպական-փնտրիչական գործառնություններ իրականացնող պաշտոնատար անձ, բռնություն գործադրելով անցել է իր պաշտոնական լիազորությունները, այն է՝ դիտավորյալ կատարել է այնպիսի գործողություններ, որոնք ակնհայտորեն դուրս են եկել նրա լիազորությունների շրջանակից և էական վնաս են պատճառել Վրեժ Մկրտումյանի իրավունքներին ու օրինական շահերին, պետության օրինական շահերին:

Այսպես.

2021թ. հոկտեմբերի 29-ին՝ ժամը 01:30-ի սահմաններում, ինքնությունները չպարզված մի խումբ անձանց կողմից Լոռու մարզի Տաշիր քաղաքում ավազակություն կատարելու դեպքը բացահայտելու և հանցանք կատարած անձանց

¹ Տե՛ս քրեական վարույթ, հատոր 3, թերթեր 44-47:

հայրնաբերելու նպատակով ՀՀ ոստիկանության Լոռու մարզային վարչության և
 ենթակա տարածքային ստորաբաժանումների ծառայողներն անցել են ուժեղացված
 ծառայության: Նույն օրը Լոռու մարզի Գյուլագարակ գյուղի բնակիչ Վրեժ
 Մկրտումյանն իր ընկերոջ Դավիթ Սավթայանի հետ «Զվարթնոց»
 օդանավակայանում Ուկրաինայի Հանրապետությունից ժամանած վերջինիս
 ազգական Արայիկ Կիրակոսյանին դիմավորելուց հետո Դավիթ Սավթայանի
 վարած «Հոնդա Էդիքս» մակնիշի ավտոմեքենայով Լոռու մարզի Սրեփանավան-
 Տաշիր ավտոճանապարհով ուղևորվել են դեպի Լոռու մարզի Տաշիր քաղաք: Նշված
 ավտոճանապարհին «Նիսան» մակնիշի «045 II 10» հաշվառման համարանիշի
 ծառայողական ավտոմեքենայով ուժեղացված ծառայություն են իրականացրել
 քաժնի պետ Սուրեն Բագրատունյանը, քաժնի պետի օպերատիվ գծով տեղակալ
 Վահրամ Խաչատրյանը և քաժնի պետի անձնակազմի գծով տեղակալ Սարգիս
 Վահրադյանը: Վերջիններս «Ոստիկանության մասին» ՀՀ օրենքի (այսուհետ օրենք)
 11-րդ հոդվածի 1-ին մասի 2-րդ կետով նախատեսված՝ հանցագործությունները
 հայրնաբերելու և բացահայրելու նպատակով օրենքով նախատեսված միջոցներ
 ձեռնարկելու կապակցությամբ իրենց պարտականությունները կատարելիս՝ ժամը
 04:40-ի սահմաններում, նկատել են Դավիթ Սավթայանի վարած ավտոմեքենան,
 կանգնեցրել են այն՝ ավտոմեքենայում գրնվող անձանց ինքնությունները, ինչպես
 նաև վերջիններին առնչությունը տեղի ունեցած ավազակությանը պարզելու
 նպատակով՝ իրացնելով Օրենքի 19-րդ հոդվածի 2-րդ մասի 1-ին կետով
 նախատեսված՝ հանցագործություն կատարելու անմիջականորեն ծագած հիմնավոր
 կասկածի առկայության դեպքում քաղաքացիների ինքնությունները հավաստող
 փաստաթղթերն սրուզելու իրենց իրավունքը: Ներկայանալուց հետո քաժնի պետ
 Սուրեն Բագրատունյանը, նրա տեղակալներ Վահրամ Խաչատրյանը և Սարգիս
 Վահրադյանը Դավիթ Սավթայանից և ավտոմեքենայում գրնվող Վրեժ
 Մկրտումյանից, Արայիկ Կիրակոսյանից պահանջել են դուրս գալ ավտոմեքենայից:
 Սուրեն Բագրատունյանն իրեն հարկացված հաշվեցուցակային զենքը՝ «Մակարով»
 տեսակի «AR 4210» համարի արձանակը ձեռքին բռնած մտրեցել է Դավիթ
 Սավթայանին, իսկ նրա տեղակալներ Վահրամ Խաչատրյանը և Սարգիս
 Վահրադյանը մտրեցել են Վրեժ Մկրտումյանին: Վահրամ Խաչատրյանը,

մարնացույց անելով ավրուներենայի մեջ գրնվող օրորակիչը, Վրեժ Մկրտումյանին հարցրել է, թե դա ինչ է: Վրեժ Մկրտումյանը Վահրամ Խաչատրյանին հարցրել է, թե ինչ նկարի ունի, այնուհետև ընկալելով հարցի իմաստը՝ անմիջապես պատասխանել է՝ «կոնդիցիոներ»: Հնչեցված հարցը զայրացրել է Վահրամ Խաչատրյանին, որից հետո վերջինս Վրեժ Մկրտումյանին ասել է, որ հարցին հարցով չպատասխանի և մեկ անգամ բռունցքով հարվածել է նրա գլխին: Այնուհետև Վահրամ Խաչատրյանը Վրեժ Մկրտումյանից պահանջել է ձեռքերը վերև բարձացրած պահել, որի ժամանակ կրկին բռնություն է գործադրել Վրեժ Մկրտումյանի նկարմամբ՝ ձեռքով հարվածելով վերջինիս գլխի ձախակողմյան հարվածին և քաշքշելով նրան: Իր հերթին, բաժնի պետի անձնակազմի գծով րեղակալ Սարգիս Վահրադյանը Վրեժ Մկրտումյանից պահանջել է ներկայանալ, ինչից հետո նախարել է վեջինիս՝ ուրիկանության ծառայողների հետ իբրև թե անհարգալից խոսելու համար, և այդ ընթացքում, անրեսելով Օրենքի 5-րդ հոդվածի 2-րդ մասով նախարեալված պահանջներն առ այն, որ ուրիկանության գործողությունները չպետք է խախտեն մարդու կյանքի, ֆիզիկական և հոգեկան անձեռնամխելիության իրավունքը, արժանապարտությունը, պարիվն ու բարի համբավը, բռնություն է գործադրել Վրեժ Մկրտումյանի նկարմամբ՝ երկու անգամ բռունցքով հարվածելով վերջինիս գլխի ձախակողմյան շրջանին՝ այդ կերպ ֆիզիկական ցավ պարճատելով Վրեժ Մկրտումյանին:

Այլ կերպ ասած՝ Սարգիս Վահրադյանը, խախտելով Օրենքի 29-30-րդ հոդվածներով նախարեալված պահանջներն առ այն, որ ֆիզիկական ուժը՝ որպես բացառիկ միջոց, կարող է գործադրվել միայն իրավախախտումները կանխելու կամ խափանելու, իրավախախտներին բռնելու և ուրիկանության ներկայացնելու, ուրիկանության ծառայողի օրինական պահանջներին չենթարկվելու կամ դիմադրություն ցույց տալու դեպքերում, ինչպես նաև ինքնապաշտպանության նպատակով, այն էլ այնքանով, որքանով դա անհրաժեշտ է իր պարտականությունները կատարելու համար, եթե այլ միջոցներով այդ պարտականությունների կատարումը հնարավոր չէ ապահովել, Օրենքի 3-րդ հոդվածով ամրագրված կամայականության արգելքի սկզբունքի խախտմամբ՝ դիտավորյալ անհիմն և ապօրինի ֆիզիկական ուժ՝ բռնություն է գործադրել Վրեժ

Մկրտումյանի նկարմամբ՝ ակնհայտորեն դուրս գալով իր լիազորությունների շրջանակից:

Բաժնի պետի անձնակազմի գծով տեղակալ Սարգիս Վահրադյանի կողմից վերը նկարագրված՝ բռնության գործադրմամբ իր լիազորությունների շրջանակից ակնհայտորեն դուրս եկող դիտարկող գործողությունների կատարման արդյունքում Վրեժ Մկրտումյանի իրավունքներին ու օրինական շահերին, պետության օրինական շահերին պատճառվել է էական վնաս՝ ուրասհարվել է Վրեժ Մկրտումյանի ֆիզիկական անձեռնմխելիության իրավունքը, պարիվն ու արժանապատվությունը, հեղինակագրվել է պետական կառավարման համակարգի մարմին հանդիսացող ՀՀ ոստիկանությունը՝ հանգեցնելով Օրենքով նախատեսված՝ ոստիկանության ինդիքների և գործունեության սկզբունքների խախտմանը, պետական ապարատի կոնկրետ օղակի գործունեության անվանարկմանը (...):»²:

6. Հակակոռուպցիոն դատարանը 2024 թվականի փետրվարի 21-ի որոշմամբ արձանագրել է հետևյալը. «(...) [Հ]աշվի առնելով նաև այն հանգամանքը, որ մեղադրյալներ Սարգիս Վահրադյանին և Վահրամ Խաչատրյանին մեղսագրված ենթադրյալ պաշտոնական լիազորություններն անցնելը կատարվել է բռնություն գործադրելով և ոչ շահադիպական դրդումներով, ուստի Դատարանը գտնում է, որ թիվ ՀԿԴԻ/0008/01/23 քրեական վարույթն այլևս ընդդարձա չէ ՀՀ հակակոռուպցիոն դատարանին, այլ ընդդարձա է Լոռու մարզի առաջին արյանի ընդհանուր իրավասության դատարանին, ուստի անհրաժեշտ է թիվ ՀԿԴԻ/0008/01/23 քրեական վարույթը փոխանցել ըստ ընդդարձության: Ընդ որում, Դատարանը փաստում է, որ վերը շարադրված օրենսդրական փոփոխությունը տեղի է ունեցել սույն վարույթով հիմնական դատախազների ընթացքում, մեղադրյալները, վերջիններիս պաշտպանները և տուժողի լիազոր ներկայացուցիչը նշել են, որ առավել նպատակահարմար կլինի, որպեսզի վարույթի քննությունը շարունակվի ՀՀ հակակոռուպցիոն դատարանում, մինչդեռ հանրային մեղադրողը հարակ դիրքորոշում չի հայտնել և հարցի լուծումը թողել է Դատարանի հայեցողությանը (...):»³:

² Տե՛ս քրեական վարույթ, հատոր 3, թերթեր 80-83:

³ Տե՛ս քրեական վարույթ, հատոր 5, թերթեր 153-159:

7. Լոռու մարզի առաջին ատյանի ընդհանուր իրավասության դատարանը 2024 թվականի մարտի 14-ի որոշմամբ արձանագրել է հետևյալը. «(...) Դատարանը փաստում է, որ ՀՀ Հակակոռուպցիոն դատարանը գործն ըստ ընդդատության ուղարկելու մասին որոշում չէր կարող կայացնել այն պատճառաբանությամբ, որ ընդդատության կանոնների պահպանմամբ վարույթ ընդունված քրեական գործի (հիշյալ քրեական գործով դատավոր Մերի Մոսինյանը 2023 թվականի մարտի 20-ին որոշում է կայացրել քրեական գործը վարույթ ընդունելու մասին) ընդդատությունը չի կարող փոխվել՝ ելնելով քրեական վարույթի ընթացքում հետագա օրենսդրական փոփոխություններից: Այսինքն՝ Դատարանը գրնում է, որ գործի քննության ընթացքում քրեական օրենսգրքի համապատասխան հավելվածում փոփոխությունների դեպքում վարույթները չպետք է փոխանցեն ըստ ընդդատության, քանի որ դրանք դատարանի կողմից սրանալու պահին եղել են ճիշտ ընտրված ընդդատությամբ, և կանխավարկածը պետք է լինի գործի քննության շարունակությունը տվյալ դատարանում, այլ ոչ թե այն ըստ ընդդատության փոխանցելը:

Դատարանի նման դիրքորոշումը պայմանավորված է մասնավորապես այն հանգամանքով, որ ինչպես նախկին, այնպես էլ գործող քրեական դատավարության օրենսգրքերի՝ առարկայական ընդդատությամբ գործն այլ դատարան ուղարկելու հնարավորություն նախատեսող կարգավորումները չեն վերաբերում այն դեպքերին, երբ պատշաճ ընթացակարգերի շրջանակներում դատարանը գրել է, որ վարույթն ընդդատյա է տվյալ դատարանին: Այսպես.

ՀՀ նախկին քրեական դատավարության օրենսգրքի 49-րդ հոդվածի համաձայն՝

1. Դատարանը, պարզելով, որ սրացված գործն ընդդատյա չէ իրեն, այն ուղարկում է ըստ ընդդատության:

2. Եթե սույն օրենսգրքի 44, 47 կամ 48 հոդվածով նախատեսված ընդդատության կարգի խախտումը հայտնաբերվում է դատական քննության ժամանակ, ապա կողմերի համաձայնությամբ դատարանն իրավասու է գործը թողնել իր վարույթում: Կողմերից մեկի առարկության դեպքում գործի կատարված դատական քննությունը չեղյալ է համարվում, և գործն ուղարկվում է ըստ ընդդատության: Բոլոր դեպքերում

կոռուպցիոն հանցագործությունների վերաբերյալ գործերը փոխանցվում են հակակոռուպցիոն դատարան:

Նշված նորմի վերլուծությունից ակնհայտ է, որ հոդվածի 1-ին մասի կարգավորումը վերաբերում է նոր սրացված քրեական գործերին, իսկ 2-րդ մասի կարգավորումը վերաբերում է, ոչ թե դատաքննության ընթացքում օրենսդրական նորմի փոփոխության հիմքով ընդդատությունը փոխելուն, այլ եթե պարզվում է, որ գործը վարույթ է ընդունվել ընդդատության կարգի խախտմամբ: Դատարանի գնահատմամբ՝ հենց այդ նպատակով է օրենսդիրն օգտագործել «դատական քննությունը չեղյալ է համարվում» ձևակերպումը:

ՀՀ գործող քրեական դատավարության օրենսգրքի 263-րդ հոդվածի համաձայն՝

1. Նախնական դատախոսման ընթացքում պարզելով, որ տվյալ վարույթն ընդդատյա չէ իրեն, դատարանն այն որոշմամբ անհապաղ փոխանցում է ըստ ընդդատության:

2. Եթե հիմնական դատախոսման ընթացքում ի հայտ են գալիս այնպիսի փաստեր, որոնց հիման վրա վարույթը ենթակա է փոխանցման ըստ ընդդատության, ապա կողմերի համաձայնությամբ դատարանը շարունակում է վարույթը: Կողմերից մեկի առարկության դեպքում վարույթը որոշմամբ փոխանցվում է ըստ ընդդատության:

Նշված նորմի վերլուծությունից ակնհայտ է, որ հոդվածի 1-ին մասը վերաբերում է նախնական դատախոսման փուլում այն դեպքերին, երբ դատարանը 1-ին անգամ քննարկում է քրեական վարույթի ընդդատության հարցը: Իսկ այն դեպքերում, երբ դատարանն արդեն իսկ արձանագրել է, որ վարույթն ընդդատյա է տվյալ դատարանին, կարող է վարույթն ըստ ընդդատության փոխանցել միայն նույն հոդվածի 2-րդ մասով նախատեսված դեպքում, այն է՝ եթե հիմնական դատախոսման ընթացքում ի հայտ են գալիս այնպիսի փաստեր, որոնց հիման վրա վարույթը ենթակա է փոխանցման ըստ ընդդատության:

Դատարանի գնահատմամբ՝ օրենսդրի նման ձևակերպումից ակնհայտ է դառնում, որ նշված կարգավորումը որևէ կերպ չի կարող վերաբերելի լինել այն դեպքերին, երբ քրեական օրենսգրքի համապատասխան հավելվածում փոփոխություն է կատարվում: Դատարանի գնահատմամբ՝ օրենսդիրը հատուկ է

շեշտադրել «հիմնական դատալսումների ընթացքում» և «փաստեր» ձևակերպումները, որով ցույց է տրվել, որ միայն հիմնական դատալսումների ընթացքում՝ որպես կանոն սպացույցների հետազոտման արդյունքում կարող են ի հայտ գալ փաստեր, որ տվյալ քրեական վարույթն ընդդարյա է այլ դատարանին (օրինակ՝ սպացույցի հետազոտման արդյունքում պարզվում է, որ արարքն այլ դատարանի տարածքում է ավարտվել):

Դատարանի գնահատմամբ՝ օրենսդիրը փաստերի ի հայտ գալն ի նկատի չի ունեցել օրենսդրական փոփոխությունը, այլսպես նման կարգավորում կնախատեսեր նաև լրացուցիչ դատալսումների փուլի կամ դատավճիռ կայացնելու համար առանձին սենյակում գրնվելու ընթացքի համար, քանի որ նման օրենսդրական փոփոխություն կարող է կատարվել նաև նշված փուլերում:

Ընդ որում, Դատարանը գրնում է, որ օրենսդրի նշված մոտեցումը տրամաբանական է և պայմանավորված է հետևյալ հանգամանքներով՝

ա. Ընդդարության կանոնները պետք է զերծ պահեն անձին դատական շրջապարույրից՝ նպաստելով գործի քննության ողջամիտ ժամկետների պահպանմանը և արդյունավետ արդարադարության իրականացմանը:

բ. Գործի ընդդարությունը որոշելը, որպես դատավարական գործողություն, որոշվում է այդ գործը սրանալու պահին գործող օրենսգրքի նորմերին համապատասխան և դատավարական նորմի հետադարձության կանոն այդ մասով նախատեսված չէ:

գ. Քրեական օրենսգրքի հավելվածի փոփոխությունը համարվում է քրեական օրենքի փոփոխություն, որի վրա լիարժեքորեն տարածվում են քրեական օրենքի հետադարձության կանոնները սահմանող նորմի կարգավորումները: Այս դեպքում հարկ է արձանագրել, որ կոռուպցիոն հանցագործությունները սահմանող հավելվածի փոփոխությունը ո՛չ մեղմացնող, ո՛չ խարացնող օրենք է, հետևաբար դրա կիրառությունը հետադարձ կարգով անթույլատրելի է, եթե չկա համապատասխան անցումային դրույթ ընդունված օրենքում: Այլ կերպ՝ քրեական օրենքի փոփոխությունը, որով չի բարելավվում անձի վիճակը, տարածվում է այն ուժի մեջ մտնելուց հետո ծագած իրավահարաբերությունների վրա:

դ. ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտած ՀՕ-31-Ն ՀՀ օրենքը չի նախատեսում անցումային դրույթ, ըստ որի դատարանների վարույթում գտնվող նախկին կոռուպցիոն բնույթի հանցագործությունների վերաբերյալ վարույթները պետք է փոխանցվեն ըստ ընդդատության: Դատարանն ընդգծում է, որ ի տարբերություն օրենսդրության փոփոխության նախկին դեպքերի, երբ օրենսդիրն անցումային դրույթի ուժով կարգավորել էր գործերի փոխանցումը ՀՀ հակակոռուպցիոն դատարան, այս դեպքում նման նորմ չի նախատեսել, ինչը հիմք է տալիս գալ հիմնավոր այն եզրահանգման, որ օրենսդրի կամքն եղել է հիշյալ քրեական վարույթների քննությունը գործը սրացած դատարանում մնալը: Հակառակ դեպքում հնարավոր է արեղծվի մի իրավիճակ, երբ տարբեր ժամանակներում իրականացված օրենսդրական փոփոխությունների արդյունքում քրեական գործը կհայտնվի անվերջ «շրջապտույտի» մեջ: Օրինակ՝ դատարանում ավարտական փուլում (դատական վիճարանություններ կամ եզրափակիչ ելույթներ) գտնվող քրեական գործը զուտ օրենսդրական փոփոխություններից ելնելով առարկայական ընդդատությամբ ուղարկվի այլ դատարան, իսկ որոշ ժամանակ անց՝ նույն հիմնավորումներով վերադարձվի այն ուղարկած դատարան:

Հիմք ընդունելով վերը նշվածը՝ Դատարանը վերահաստատում է իր մտրեցումը, որ առարկայական ընդդատության ենթակա գործերի ցանկում փոփոխության դեպքում գործում է ճիշտ ընդդատությամբ գործը սրացած դատարանի կողմից գործի քննությունը շարունակելու կանխավարկածը, եթե այլ բան նախատեսված չէ ընդունված նոր օրենքով:

Ավելին՝

ՀՀ քրեական դատավարության օրենսգրքի 483-րդ հոդվածի 23-րդ մասի համաձայն՝ սույն օրենսգրքի 260-րդ հոդվածի 1-ին մասի՝ Հայաստանի Հանրապետության քրեական օրենսգրքի նախատեսված կոռուպցիոն հանցանքների վերաբերյալ վարույթների բացառության մասով, 261-րդ հոդվածի 7-րդ մասի և 262-րդ հոդվածի 2-րդ մասի ուժի մեջ մտնելով պայմանավորված՝ Հայաստանի Հանրապետության առաջին աստիճանի ընդհանուր իրավասության դատարանների

վարույթում գրնվող կոռուպցիոն հանցանքների վերաբերյալ գործերի (վարույթների) վերաբաշխումն իրականացվում է ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» 2021 թվականի ապրիլի 14-ի ՀՕ-331-Ն սահմանադրական օրենքի 19-րդ հոդվածով սահմանված կարգով և դեպքերում:

««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» 2021 թվականի ապրիլի 14-ի ՀՕ-331-Ն սահմանադրական օրենքի անցումային դրույթները սահմանող 19-րդ հոդվածի 24-րդ մասը սահմանում է. «Հայաստանի Հանրապետության առաջին արյանի ընդհանուր իրավասության դատարանների վարույթում գրնվող՝ սույն մասով նախատեսված գործերը ենթակա չեն վերաբաշխման հակակոռուպցիոն դատարանին, եթե ԿԿՊ-ի գործով անցում է կատարվել դատաքննության փուլ»:

Դատարանն արձանագրում է, որ թեև մեջբերված հոդվածների վերլուծությունից ակնհայտ է, որ դրանք վերաբերում են առաջին արյանի ընդհանուր իրավասության դատարանների վարույթում գրնվող կոռուպցիոն բնույթի քրեական գործերի վերաբաշխմանը, սակայն ուշադրության է արժանի այն հանգամանքը, որ օրենքը հարակ սահմանել է, որ այն քրեական գործերը, որոնցով անցում է կատարվել դատաքննության փուլ, ենթակա չէ վերաբաշխման: Նույն օրենսդրությանը, հակակոռուպցիոն դատարանում գրնվող քրեական գործերը, որոնցով անցում է կատարվել դատաքննության փուլ չի կարող վերաբաշխվել և փոխանցվել առաջին արյանի ընդհանուր իրավասության դատարան:

Հարկ է փաստել նաև, որ առաջին արյանի ընդհանուր իրավասության քրեական դատարանում գրնվող բազմաթիվ կոռուպցիոն բնույթի քրեական գործեր դատաքննության փուլ անցած լինելու հիմնավորումներով չեն փոխանցվել ՀՀ հակակոռուպցիոն դատարան:

Դատարանը փաստում է, որ թիվ ՀԿԴ1/0008/01/23 քրեական գործով ՀՀ հակակոռուպցիոն դատարանը անցում է կատարել հիմնական դատալսումների փուլ (հիմքը՝ 08.06.2023 թվականի որոշում, դատական նիստի արձանագրություն, լազերային սկավառակ, հատոր 4-րդ, գ.թ. 88-93, 103-104), ՀՀ գործող քրեական

դարավարության օրենսգրքով առաջնորդվելու դեպքում չի հիմնավորել, որ հիմնական դարավարության ընթացքում ի հայտ են գալիս այնպիսի փաստեր (ինչպես արդեն հիմնավորվել է՝ քրեական վարույթի ընթացքում հետագա օրենսդրական փոփոխությունները չեն կարող նշված նորմի իմաստով համարվել ընդդարությունը փոխելու համար հիմք հանդիսացող փաստի ի հայտ գալ), որոնց հիման վրա վարույթը ենթակա է փոխանցման ըստ ընդդարության:

Հերևարար, Դարարանը գրնում է, որ ընդդարության կանոններով քրեական գործը ՀՀ հակակոռուպցիոն դարարանը չէր կարող փոխանցել առաջին արյանի ընդհանուր իրավասության դարարան:

Բացի այդ, Վճռաբեկ դարարանը «Ընդդարության հարցը լուծելու մասին» իր ԵԴԻ/0338/01/24 (ՀԿԴ/0269/01/23) որոշման 16-րդ կետով ձևավորել է հերևյալ իրավական դիրքորոշումը. «Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ «Հայաստանի Հանրապետության դարական օրենսգրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով և «Հայաստանի Հանրապետության քրեական դարավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքով նախատեսված իրավակարգավորումների լույսի ներքո, թիվ ԵԴԻ/0338/01/24 (ՀԿԴ/0269/01/23) քրեական վարույթը ենթակա էր վերաբաշխման առաջին արյանի ընդհանուր իրավասության դարարանին, քանի որ սույն գործով Հակակոռուպցիոն դարարանն անցում չի կատարել հիմնական դարավարության փուլ»:

ՀՀ քրեական դարավարության օրենսգրքի 263-րդ հոդվածի 5-րդ մասի համաձայն՝ վարույթն ըստ ընդդարության սրացած հակակոռուպցիոն կամ առաջին արյանի ընդհանուր իրավասության դարարանը մինչև նախնական դարավարություն նշանակելը ետօրյա ժամկետում որոշում է կայացնում վարույթը Վճռաբեկ դարարան ուղարկելու մասին, եթե համաձայն չէ դրա առարկայական ընդդարությանը:

Ամփոփելով վերոշարադրյալները դատարանը գտնում է, որ թիվ ԼԴ/0099/01/24 (ՀԿԴ1/0008/01/23) քրեական գործն ընդդառյալ է ՀՀ հակակոռուպցիոն դատարանին: (...)⁴:

Սույն որոշման հիմնավորումները և եզրահանգումը.

8. Սույն վարույթով բարձրացված իրավական հարցը հետևյալն է. հիմնավոր է արդյոք Լոռու մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԼԴ/0099/01/24 (ՀԿԴ1/0008/01/23) քրեական վարույթը ենթակա չէր փոխանցման առաջին ատյանի ընդհանուր իրավասության դատարան:

9. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

10.1. Մարդու իրավունքների եվրոպական դատարանը, «օրենքի հիման վրա սրեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիսան ազգային օրենսդրությունը մեկնաբանելու որոշակի ազատությամբ»⁵:

Մինչույն ժամանակ, դատարանի մատչելիության իրավունքի համատեքստում Մարդու իրավունքների եվրոպական դատարանը նշել է, որ. «Ներպետական

⁴ Տե՛ս քրեական վարույթ, հատոր 6, թերթեր 3-7:

⁵ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

դատարանի արտադրական կանոնները կիրառելիս պետք է ձեռնարկված մասնա դրանց չափազանցված ձևականացումից, որն իր ազդեցությունը կունենա դատարարության արդարացիության վրա»⁶:

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ. «(...) Գործերի պարզաձև ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա արեղծված դատարանի սպասելի պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմարիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պարզաձև ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ փյալ կոնկրետ քրեական գործը քննող դատարանը և դատավորը նախատրամադրվածություն չունեն, և փյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:

Այսպիսով, քրեական գործերի ընդդատության որոշման հարակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պարզաձև երաշխավորման համար (...)⁷:

⁶ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

⁷ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

12. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Ընդդատության կանոնները կոչված են անձին զերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառարանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

Անհրաժեշտ է ընդգծել, որ վարույթն ըստ ընդդատության փոխանցելիս, չպետք է դրսևորվի չափազանց ձևական մոտեցում, և պետք է հաշվի առնվի նաև արդարադատության շահը:

13. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ *«Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին (այսուհետ՝ առաջին արյանի ընդհանուր իրավասության դատարան) ընդդատյա են առաջին արյանի կարգով իրականացվող բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ վարույթների, որոնք ընդդատյա են հակակոռուպցիոն դատարանին»:*

ՀՀ քրեական դատավարության օրենսգրքի 263-րդ հոդվածի համաձայն՝ *«1. Եսինական դատալսումների ընթացքում պարզելով, որ տվյալ վարույթն ընդդատյա չէ իրեն, դատարանն այն որոշմամբ անհապաղ փոխանցում է ըստ ընդդատության»:*

(...)

5. Վարույթն ըստ ընդդատության սրացած հակակոռուպցիոն կամ առաջին արյանի ընդհանուր իրավասության դատարանը մինչև նախնական դատալսումներ

նշանակելը ենթացող ժամկետում որոշում է կայացնում վարույթը Վճարելի դատարանի նախագահը, եթե համաձայն չէ դրա առարկայական ընդդատությանը:

(...)

8. Սույն հոդվածի 5-րդ մասով նախատեսված դեպքում Վճարելի դատարանի նախագահը, Վճարելի դատարանի քրեական և հակակոռուպցիոն պալատների նախագահները վարույթը Վճարելի դատարանում սրանալու պահից տասնորյա ժամկետում վերջնականապես լուծում են վարույթի առարկայական ընդդատության հարցը՝ ընդհանուր թվի ձայների մեծամասնությամբ ընդունված որոշմամբ: Բովարկելիս ձեռնպահ մնալ չի թույլատրվում:

9. Սույն հոդվածով սահմանված կարգով որոշված դատարանը համարվում է իրավասու դատարան»:

13.1. «ՀՀ քրեական օրենսգրքում լրացումներ և փոփոխություններ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի համաձայն՝ «Օրենսգրքի հավելված N 1-ում՝

(...)

2) «Հոդված 441. Պաշտոնատար անձի կողմից իշխանական կամ ծառայողական լիազորությունները կամ դրանցով պայմանավորված ազդեցությունը չարաշահելը կամ լիազորություններն անցնելը» բառերից հետո լրացնել «(բացառությամբ երբ արարքը կատարվել է ոչ շահադիպական դրդումներից ելնելով և բոնություն գործադրելով, բոնություն գործադրելու սպառնալիքով կամ զենք կամ հարուկ միջոց օգտագործելով)» բառերով (...):»:

13.2. ««Հայաստանի Հանրապետության դատական օրենսգրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ և 24-րդ մասերի համաձայն՝ «23. (...) Հայաստանի Հանրապետության առաջին արյանի ընդհանուր իրավասության դատարաններին ենթակա (...) կոռուպցիոն հանցագործությունների վերաբերյալ գործերը վերաբաշխվում են հակակոռուպցիոն դատարանի համապարասիան մասնագիտացում ունեցող դատավորների միջև, բացառությամբ սույն հոդվածի 24-րդ մասով սահմանված դեպքի:

24. Հայաստանի Հանրապետության առաջին արյանի ընդհանուր իրավասության դատարանների վարույթում գրնվող՝ սույն մասով նախատեսված գործերը ենթակա չեն վերաբաշխման հակակոռուպցիոն դատարանին, եթե փյալ գործով անցում է կատարվել դատաքննության փուլ»:

«Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասի համաձայն՝ «Սույն օրենքն ուժի մեջ մտնելուց հետո Հայաստանի Հանրապետության առաջին արյանի ընդհանուր իրավասության դատարանների վարույթում գրնվող կոռուպցիոն հանցագործությունների վերաբերյալ գործերը վերաբաշխվում են հակակոռուպցիոն դատարանի դատավորների միջև, եթե փյալ գործերով անցում չի կատարվել դատաքննության փուլ»:

13.3. «Նորմատիվ իրավական ակտերի մասին» ՀՀ օրենքի 39-րդ հոդվածի համաձայն՝ «1. Եթե օրենսդրության մեջ բացակայում է կոնկրետ հասարակական հարաբերությունը կարգավորող իրավական նորմը, սակայն օրենսդրությամբ սահմանված է համանման հարաբերությունները կարգավորող այլ իրավական նորմ, ապա այդպիսի հարաբերությունների նկատմամբ (եթե դա չի հակասում դրանց էությանը) կիրառվում են համանման հարաբերություններ կարգավորող իրավական նորմերը (օրենքի անալոգիա): (...):

3. Օրենքի կամ իրավունքի անալոգիա չի կարող կիրառվել, եթե դրանով սահմանափակվում են անձանց իրավունքները, ազատությունները, կամ նրանց համար նախատեսվում է նոր պարտականություն կամ պարասահանարվություն, կամ խստացվում են նրանց նկատմամբ կիրառվող պարասահանարվության, հարկադրանքի միջոցները կամ դրանց կիրառման կարգը, հարկերի, տուրքերի և այլ պարտադիր վճարների վճարման կարգը, անձանց գործունեության նկատմամբ հսկողություն ու վերահսկողություն իրականացնելու պայմանները և կարգը:

4. Օրենքի անալոգիան և իրավունքի անալոգիան կարող են կիրառվել միայն, եթե փյալ օրենքով չի արգելվում անալոգիայի կիրառումը»:

14. Նշված նորմերի համակարգային վերլուծությունից հետևում է, որ «ՀՀ քրեական օրենսգրքում լրացումներ և փոփոխություններ կատարելու մասին» 2024

թվականի հունվարի 16-ին ընդունված ՀՕ-31-Ն ՀՀ օրենքով կատարված փոփոխությունների արդյունքում 2021 թվականի մայիսի 5-ին ընդունված ՀՀ քրեական օրենսգրքի 441-րդ հոդվածով (համապատասխանում է 2003 թվականի ապրիլի 18-ին ընդունված ՀՀ քրեական օրենսգրքի 309-րդ հոդվածին) նախատեսված հանցանքը՝ պաշտոնատար անձի կողմից իշխանական կամ ծառայողական լիազորությունները կամ դրանցով պայմանավորված ազդեցությունը չարաշահելը կամ լիազորություններն անցնելը, եթե կատարվել է *«ոչ շահադիպական դրդումներից ելնելով և բռնություն գործադրելով, բռնություն գործադրելու սպառնալիքով կամ զենք կամ հասրուկ միջոց օգտագործելով»* այլևս չի հանդիսանում կոռուպցիոն բնույթի և ընդգրկված չէ ՀՀ քրեական օրենսգրքի հավելված N 1-ում, հետևաբար դրանց վերաբերյալ վարույթներն ընդդատյա են առաջին ատյանի ընդհանուր իրավասության դատարանին: Սակայն, կատարված փոփոխությամբ որևէ կարգավորում չի սահմանվել առ այն, թե արդյո՞ք այդ փոփոխությունը պետք է տարածվի Հակակոռուպցիոն դատարանում դատաքնության փուլում գտնվող նմանատիպ վարույթների վրա, այլ կերպ՝ արդյո՞ք այդ վարույթները ենթակա են վերաքաշխման, թե ոչ:

Այդուհանդերձ, դեռևս 2021 թվականի ապրիլի 14-ին ընդունված ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքի 19-րդ հոդվածի 23-րդ և 24-րդ մասերով, ինչպես նաև «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» 2021 թվականի ապրիլի 14-ին ընդունված ՀՕ-333-Ն օրենքի 7-րդ հոդվածի 2-րդ մասով սահմանվել է, որ ՀՀ առաջին ատյանի ընդհանուր իրավասության դատարանների վարույթում գտնվող կոռուպցիոն հանցագործությունների վերաբերյալ այն գործերը, որոնցով **անցում է կատարվել դատաքնության փուլ, ենթակա չեն վերաքաշխման հակակոռուպցիոն դատարանին:** Այսինքն, ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով, ինչպես նաև «Հայաստանի Հանրապետության քրեական դատավարության օրենսգրքում փոփոխություններ և

լրացումներ կատարելու մասին» ՀՕ-333-Ն օրենքով լուծում է տրվել համանման իրավահարաբերությանը, ըստ որի՝ դատաքննության փուլ անցում կատարված լինելու դեպքում առաջին ատյանի ընդհանուր իրավասության դատարանի վարույթում գտնվող վարույթի փոխանցումը Հակակոռուպցիոն դատարան իրավաչափ չէ:

14.1. Հաշվի առնելով, որ ինչպես «Հայաստանի Հանրապետության դատական օրենսգիրք» սահմանադրական օրենքը, այնպես էլ ՀՀ քրեական դատավարության օրենսգիրքը չեն արգելում անալոգիայի կիրառումը, ինչպես նաև այն, որ տվյալ պարագայում անալոգիայի կիրառումն անձանց իրավունքները, ազատությունները չի սահմանափակում կամ նրանց համար նոր պարտականություն կամ պատասխանատվություն չի նախատեսում՝ գտնում ենք, որ Հակակոռուպցիոն դատարանների վարույթում գտնվող՝ «ՀՀ քրեական օրենսգրքում փոփոխություններ և լրացումներ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի հիման վրա առաջին ատյանի ընդհանուր իրավասության դատարաններին ընդդատյա վարույթների վերաբաշխման հարցը պետք է լուծվի ««Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն օրենքի 19-րդ հոդվածի 23-րդ և 24-րդ մասերին և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքի 7-րդ հոդվածի 2-րդ մասին համահունչ: Այլ կերպ՝ այն վարույթները, որոնցով Հակակոռուպցիոն դատարանն անցում է կատարել դատաքննության (հիմնական դատալսումների) փուլ, ենթակա չեն վերաբաշխման առաջին ատյանի ընդհանուր իրավասության դատարանին:

15. Սույն վարույթի նյութերի ուսումնասիրությունից երևում է, որ՝

- Հակակոռուպցիոն դատարանը 2023 թվականի հուլիսի 19-ին կայացած դատական նիստի ընթացքում անցում է կատարել հիմնական դատալսումների փուլ⁸:
- Հակակոռուպցիոն դատարանը փաստելով, որ մեղադրյալներ Սարգիս Վահրադյանին և Վահրամ Խաչատրյանին ներկայացված մեղադրանքների

⁸ Տե՛ս քրեական վարույթ, հատոր 4, թերթեր 164-168:

համաձայն՝ վերջիններիս կողմից ենթադրյալ պաշտոնեական լիազորություններն անցնելը կատարվել է բռնություն գործադրելով և ոչ շահադիտական դրդումներից ելնելով՝ որոշում է կայացրել վարույթն ըստ ընդդատության Լոռու մարզի առաջին ատյանի ընդհանուր իրավասության դատարան փոխանցելու մասին⁹:

- Լոռու մարզի առաջին ատյանի ընդհանուր իրավասության դատարանն արձանագրել է, որ Հակակոռուպցիոն դատարանը գործն ըստ առարկայական ընդդատության ուղարկելու մասին որոշում չէր կարող կայացնել այն պատճառաբանությամբ, որ ընդդատության կանոնների պահպանմամբ վարույթ ընդունված քրեական գործի ընդդատությունը չի կարող փոխվել՝ ելնելով քրեական վարույթի ընթացքում հետագա օրենսդրական փոփոխություններից:

Միաժամանակ արձանագրելով, որ թիվ ՀԿԴ1/0008/01/23 քրեական գործով Հակակոռուպցիոն դատարանն անցում է կատարել հիմնական դատալսումների փուլ, Լոռու մարզի առաջին ատյանի ընդհանուր իրավասության դատարանը գտել է, որ քրեական գործը ենթակա չէր փոխանցման առաջին ատյանի ընդհանուր իրավասության դատարան¹⁰:

16. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ «Հայաստանի Հանրապետության դատական օրենսգիրք» սահմանադրական օրենքում լրացումներ և փոփոխություններ կատարելու մասին» ՀՕ-331-Ն ՀՀ սահմանադրական օրենքով և «Հայաստանի Հանրապետության քրեական դատավարության օրենսգրքում փոփոխություններ և լրացումներ կատարելու մասին» ՀՕ-333-Ն օրենքով նախատեսված իրավակարգավորումների լույսի ներքո, թիվ ԼԴ/0099/01/24 (ՀԿԴ1/0008/01/23) քրեական վարույթը ենթակա չէր վերաբաշխման առաջին ատյանի ընդհանուր իրավասության դատարանին, քանի որ սույն վարույթով Հակակոռուպցիոն դատարանն անցում է կատարել հիմնական դատալսումների փուլ:

17. Վերոշարադրյալը հիմք է տալիս փաստելու, որ Լոռու մարզի առաջին ատյանի ընդհանուր իրավասության դատարանի հետևությունն այն մասին, որ թիվ

⁹ Տե՛ս սույն որոշման 6-րդ կետը:

¹⁰ Տե՛ս սույն որոշման 7-րդ կետը:

ԼԴ/0099/01/24 (ՀԿԴ1/0008/01/23) քրեական վարույթը ենթակա չէր փոխանցման առաջին ատյանի ընդհանուր իրավասության դատարան, հիմնավոր է:

Միաժամանակ հարկ է արձանագրել, որ Լոռու մարզի առաջին ատյանի ընդհանուր իրավասության դատարանի կողմից քրեական վարույթի ընդդատությանը վերաբերող օրենսդրական փոփոխությունները դատավարական նորմի՝ հետադարձությամբ կիրառելու համատեքստում քննարկելը և դրա արդյունքում արված այն եզրահանգումը, որ ընդդատության կանոնների պահպանմամբ վարույթ ընդունված քրեական գործի ընդդատությունը չի կարող փոխվել, ընդունելի չէ:

18. Վերոգրյալի հիման վրա, ինչպես նաև ելնելով արդարադատության շահի պաշտպանության և վարույթի արդարացիության ապահովման՝ ողջամիտ ժամկետում քննության անհրաժեշտությունից, գտնում ենք, որ թիվ ԼԴ/0099/01/24 (ՀԿԴ1/0008/01/23) քրեական վարույթն ընդդատյա է Հակակոռուպցիոն դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

Ո Ր Ո Շ Ե Ց Ի Ն Ք

Սարգիս Սերժիկի Վահրադյանի և Վահրամ Ղազարի Խաչատրյանի վերաբերյալ 2003 թվականի ապրիլի 18-ին ընդունված ՀՀ քրեական օրենսգրքի 309-րդ հոդվածի 2-րդ մասով թիվ ԼԴ/0099/01/24 (ՀԿԴ1/0008/01/23) քրեական վարույթն ընդդատյա է Հակակոռուպցիոն դատարանին:

**ՀՀ ՎՃՌԱԲԵԿ
ԴԱՏԱՐԱՆԻ ՆԱԽԱԳԱՀ
ԼԻԼԻԹ ԹՎԴԵՎՈՍՅԱՆ**

**ՀՀ ՎՃՌԱԲԵԿ
ԴԱՏԱՐԱՆԻ ՔՐԵԱԿԱՆ
ՊԱԼԱՏԻ ՆԱԽԱԳԱՀ
ՀԱՄԼԵՏ ԱՍԱՏՐՅԱՆ**

**ՀՀ ՎՃՌԱԲԵԿ ԴԱՏԱՐԱՆԻ
ՀԱԿԱԿՈՐՈՒՊՑԻՈՆ
ՊԱԼԱՏԻ ՆԱԽԱԳԱՀ
ԱՐԹՈՒՐ ԴՎՎԹՅԱՆ**